



Մ Ա Յ Ր Ա Թ Ո Ռ Ո Ւ Մ

ՄԱՅԻՍԻ 8-ին, ԵՐԵՎԱՆԻ, Հայաստանում սովետական կարգերի հաստատման 40-ամյակի առթիվ, արտասահմանյան զանազան երկրներից հրավիրված հայ պատգամավորներ այցելեցին Մայր Աթոռ:

Հյուրերը, Մայր Աթոռում իրենց աղոթքը և ուխտը կատարելուց հետո, բարձրացան Վեհարան և ստացան Ամենայն Հայոց Հայրապետի օրհնությունները:

ՄԱՅԻՍԻ 9-ին, ԵՐԵՎԱՆԻ, Վեհարանում տեղի ունեցավ Մայր Աթոռին առընթեր ճարտարապետական հանձնաժողովի հերթական նիստը Վեհափառ Հայրապետի նախագահությամբ և մասնակցությամբ Փարիզից ժամանած հայտնի ճարտարապետ և կոլուպինկյան հիմնարկության ներկայացուցիչ պր. Եղվարդ Ութունյանի:

Ժողովի օրակարգն էր Ս. Գյաննի տաճարի նոր կառուցվող ավագ սեղանի նախագծի քննարկումը և Վեհարանի նոր շենքի վերանորոգության աշխատանքների ընթացքը:

ՄԱՅԻՍԻ 9-ին, ԵՐԵՎԱՆԻ, Մայր Աթոռ այցելեց Վիեննայի Մխիթարյան միաբանության անդամ Հ. Եփրեմ Պողոսյանը:

Վեհափառ Հայրապետը ընդունեց ուխտավոր հայ կաթոլիկ վարդապետին և նրա հետ զրույց ունեցավ:

ՄԱՅԻՍԻ 10-ին, ՉՈՐԵՎԱՆԻ, Մայր Աթոռ այցելեց Բելրուսից ժամանած ծանոթ երաժիշտ Համբարձում Պերպերյանը:

Հյուրը Մայր Տաճարում իր ուխտը կատարելուց հետո ընդունվեց Վեհափառ Հայրապետից:

ՄԱՅԻՍԻ 11-ին, ՀԻՆԳՇԱՐԹԻ, Քրիստոսի Համբարձման տոնի առթիվ, Մայր Տաճարում սուրբ պատարագ մատուցեց արժանապատիվ Տ. Հակոբ քահանա Հակոբյանը: Կոմիտասյան պատարագը երգվեց Հոգևոր Ճեմարանի սաների կողմից, ղեկավարությամբ Հակոբ սարկավագ Պողապալյանի:

ՄԱՅԻՍԻ 11-ին, ՀԻՆԳՇԱՐԹԻ, Երեկոյան ժամը 4-ին, Վեհարանում տրվեց ճաշկերույթ, Հայաստանում սովետական կարգերի հաստատման 40-ամյակի առթիվ արտասահմանից ժամանած շուրջ 40 հայ հյուրերի պատվին:

Սեղանը օրհնեց Վեհափառ Հայրապետը: Ընդունելության ներկա էին Հայկական ՍՍՌ Մինիստրների Սովետին առընթեր Հայ Եկեղեցու գործերի խորհրդի նախագահ պր. Ս. Գասպարյանը և Արտասահմանյան երկրների հետ մշակութային կապի Հայկական ընկերության նախագահ տիկին Բերսաբե Գրիգորյանը:

Ընդունելության ընթացքում հայրենասիրական ջերմ և եկեղեցաշեն ելույթներ ունեցան ճարտարապետ պր. Եղվարդ Ութունյանը (Փարիզից), պր. Համբարձում Պերպերյանը (Բելրուսից), պր. Զատիկ Խանզադյանը և Թորոսյան քույրերը (Փարիզից), տեր և տիկին Սուրեն և Շաքի Գալենտերյանները (Հալեպից), տիկին Մխիթա Ռամոսը (Արգենտինայից), պր. Արամ Տեխիմենճյանը (Բուենոս-Այրեսից), պր. Արշավիր Քաղցրունին (ԱՄՆ-ից) պր. Բենիամին Թյուֆենկճյանը (Սոֆիայից), Հ. Եփրեմ Պողոսյանը (Վիեննայից), պր. Զիկ Դամատյանը (Բուխարեստից), որոնք միաժամանակ ծանրացան Ազգիս Վեհափառ Հայրապետի եկեղեցաշեն գործունեության և Մայր Աթոռի ու Հայ Եկեղեցու պատմական պուրբերության վրա նաև մեր օրերին:

Վեհափառ Հայրապետը բաժակ բարձրացրեց Մայր Աթոռի հավերժության, Մայր Հայրենիքի պայծառ ապագայի և հայ ժողովրդի միության, բարօրության և աշխարհի խաղաղության համար, և ի դեմս Սփյուռքի ներկայացուցիչների, օրհնեց Ազգն ու Եկեղեցին:

Հյուրերին ջերմ, սրտառու խոսքերով ողջունեցին նաև Հայ Եկեղեցու գործերի խորհրդի նախագահ պր. Ս. Գասպարյանը, Արտասահմանյան երկրների հետ մշակութային կապի Հայկական ընկերության նախագահ տիկին Բ. Գրիգորյանը, Մայր Աթոռին առընթեր ճարտարապետական հանձնաժողովի նախագահ ճարտարապետ Մ. Մազմանյանը:

Վեհաքանոնավոր կայացած այս անմոռանալի ընդունելությունը վերջացավ Վեհափառ Հայրապետի «Պահպանիչ»-ով:

ՄԱՅԻՍԻ 14-ին, ԿԻՐԱԿԻ, ԵՐԿՐՈՐԴ ԾԱՂ-ԿԱԶԱՐԴ: Մայր Տաճարում պատարագեց հոգեշնորհ Տ. Հուսիկ վարդապետ Սանթուրյանը:

Սուրբ պատագարին ներկա էին մեծ թվով սփյուռքահայ ուխտավորներ:

Հավարտ սուրբ պատագարի տեղի ունեցավ Հոգեհանգստյան պաշտոն կոնդուկց ուխտավորաբար Մայր Հայրենիքում գտնվող անվանի ջութակահար Մանուկ Բարիբեյանի ծնողների՝ Ստեփանի և Վանուհիի հոգիների խաղաղության համար:

Սուրբ պատագարին ներկա էր Վեհափառ Հայրապետը:

ՄԱՅԻՍԻ 15-ին, ԵՐԿՐՈՒՇԱՐԹԻ, Վեհափառ Հայրապետի գլխավորությամբ, Մայր Աթոռի միաբանությունը, Հոգևոր ձեռնարանի ուսուցչական և ուսանողական կազմը, երեկոյան ժամը 8—10, Երևանի Հայֆիլհարմոնիայի համերգային մեծ դահլիճում ներկա գտնվեցին կոնդուկց ժամանած հայտնի ջութակահար Մանուկ Բարիբեյանի համեր-

գին, Հայաստանի սիմֆոնիկ նվագախմբի ընկերակցությամբ:

ՄԱՅԻՍԻ 17-ին, ԶՈՐԵՔՇԱՐԹԻ, Մայր Աթոռ վերադարձան բարեշնորհ Կարապետ սարկավազ Բենլիյանը և բարեշնորհ Պետրոս սարկավազ Բերբերյանը, որոնք վեց ամսից ի վեր սովորում էին Զագորսկի ուսական հոգևոր ձեռնարանում:

ՄԱՅԻՍԻ 20-ին, ՇԱՐԱԹ, Հոգևոր ձեռնարանի ուսանողությունը, զասախոսական կազմի մասնակցությամբ, այցելեց Հայաստանում սովորական կարգերի հաստատման բառասնամյա հորեկյանի առթիվ Երևանում բացված արդյունաբերական և գյուղատնտեսական ցուցահանդեսը:

ՄԱՅԻՍԻ 20-ին, ՇԱՐԱԹ, Երեկոյան ժամը 8-ին, Հոգևոր ձեռնարանի դահլիճն էին հավաքվել Մայր Աթոռի միաբանությունն ու աշակերտությունը, ունկնդրելու համար Զագորսկից վերադարձած Պետրոս և Կարապետ սարկավազների տպավորություններն ու հուշերը:

Երեկոյին ներկա էր Վեհափառ Հայրապետը:

ՄԱՅԻՍԻ 21-ին, ԿԻՐԱԿԻ, Հոգեգալստյան (Պենտեկոստեի) տոնի առթիվ, Մայր Տաճարում պատարագեց հոգեշնորհ Տ. Հուսիկ վարդապետ Սանթուրյանը:

Սուրբ պատագարին ներկա էր Վեհափառ Հայրապետը:

ՄԱՅԻՍԻ 22-ին, ԵՐԿՐՈՒՇԱՐԹԻ, Հոգևոր ձեռնարանում սկսվեցին 1960—1961 ուսումնական տարվա ամսվերջի քննությունները, որոնք կտևեն մինչև հունիսի 17-ը:

